



Հաղորդագրություն
Մարտ 2013

Հայկական Ցեղասպանության 98-րդ Ամենակի Ոգեկոչման Առթիւ

Ինչպէս ամէն տարի, այս տարի եւս Չորեքշաբթի Ապրիլ 24, 2013-ին համայն հայութիւնը ի Հայաստան եւ ի Սփիւռս աշխարհի պիտի նշէ հայկական ցեղասպանության 98-րդ ամենակը:

Լոս Անճելըսի եւ անոր շրջակայքը գտնուող հայութիւնը եւս կը պատրաստուի դարձեալ ոգեկոչելու մեր 1.5 միլիոն նահատակներու սուրբ եւ անմոռաց յիշատակը Մոնթեպելլոյի Պիքնել Փարքի Հայկական Ցեղասպանության Յուշարձանին առջեւ:

Յուշահանդէսի պաշտօնական բաժինը պիտի սկսի կէսօրէ ետք ժամը ճիշդ 1:30-ին որու ընթացքին տեղի պիտի ունենայ հոգեհանգստեան պաշտօն մասնակցութեամբ գաղութի բոլոր յարանուանութեանց հոգեւոր մարմիններու, պատգամներու փոխանցում հայ եւ օտար քաղաքական դէմքերու ու ապա, ծաղկեփունջի զետեղում տարբեր կազմակերպութիւններու կողմէ:

Յուշահանդէսի կազմակերպութիւնը ստանձնած է Հայկական Ցեղասպանության Ոգեկոչման Լոս Անճելըսի Միացեալ Մարմինը: Սոյն Մարմինը կազմուած է հայ գաղութի մէջ գործօն դերակատարութիւն ունեցող աւելի քան 50 միութիւններէ եւ կազմակերպութիւններէ:

Հայկական Ցեղասպանության Ոգեկոչման Լոս Անճելըսի Միացեալ Մարմինը սոյն հաղորդակցութեամբ կոչ կ'ուղղէ շրջանի բոլոր հայորդիներուն որ խումներամ ներկայ գտնուին յուշահանդէսին ինչպէս նաեւ մասնակցութիւն բերեն գաղութէն ներս կազմակերպուող եւ եղեռնի նուիրուած բոլոր միջոցառումներուն. իսկ, այն կազմակերպութիւնները որոնք կը փափաքին մաս կազմել Միացեալ Մարմնին սակայն ցարդ առիթը չեն ունեցած մասնակից ըլլալու իր աշխատանքներուն, կը խնդրուի կապի մէջ մտնել գործադիր մարմնին հետ, գրելով սոյն հասցէին secretary@uacla.com.

Հայկական Ցեղասպանության Ոգեկոչման Միացեալ Մարմին

Լոս Անճելըս - 2013